





第九八〇册

四庫全書

●上海古籍出版社

本冊目次

廣
博
物
志（一）

明 董斯張撰……………一

欽定四庫全書

子部
廣博物志卷二

詳校官侍讀學士臣沈咸熙

主事臣祁韻士覆勘

總校官知縣臣楊懋珩

校對官中書臣石鴻賓

謄錄監生臣毛敬事

欽定四庫全書

子部十一

廣博物志

類書類

提要

臣等謹纂廣博物志五十卷明董斯張撰斯張字遐周烏程人國子監生以洽聞周見有聲於時所著述甚多此書名為廣張華博物志而作其實分門隸事名目瑣碎頗近後世類家與博物志原例不甚相合書中分大目

欽定四庫全書

廣博物志

二十有二子目一百六十有七所載始於三墳迄於隋代詳畧互見未能首尾賅貫其徵引諸書皆標列原名綴於每條之末體例較善而中間亦有舛駁者如太平御覽太平廣記皆採摭古書原名具在乃斯張所引出自二書者往往但題御覽廣記之名而沒所由來殊為不明根據又圖經不言某州地志不言某代隨意割掇亦頗近於裨販又漢雜事

秘辛為楊慎偽作世所共知乃好異喜新雜
然並載更不免疎於持擇至若孔阮鄭箋牽
連滿幅道經釋典採錄盈篇受博貪多尤傷
枝蔓然其蒐羅既富唐以前之遺文墜簡哀
聚良多在明代類書中固猶為有資於淹雅
者矣乾隆四十五年十二月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

廣博物志
提要

欽定四庫全書

廣博物志卷一

天道上_天 日 月

明 董斯張 撰

天道尚右日月西移地道尚左水道東流人道尚中耳
目役心心有四佐不和曰廢地有五行不通曰惡天有
四時不時曰凶天道曰祥地道曰義人道曰禮_{周書}

太初氣之始也生於酉仲清濁未分也太始形之始也

欽定四庫全書

廣博物志
卷一

生於戌仲_{八月酉仲為太初屬雄}清者為精濁者為形

也太素質之始也生於亥仲已有素朴而未散也三氣

相接至於子仲剖判分離輕清者上為天重濁者下為

地中和為萬物_{詩緯曰陽本為雄陰本為雌物本為鬼}

也三未分別號
曰渾淪○廣雅

天者何也天之為言鎮也居高理下為人鎮也地者易

也言養萬物懷任交易變化也_{白虎通}

天以不見為玄地以不形為玄人以心腹為玄天與西

北鬱化精也地與黃泉隱魄榮也人與思慮含至精也

經太玄

天有七星地有七表天有四維地有四瀆

河圖括地象

天有精地有形天有八紀地有五岳

素問

天以六六為節地以九九制會

天道以九制地理以八制人道以六制

管子

天左舒而起牽牛地右闢而起畢昴

子尸

黃帝書曰天在地外水在天外水浮天而載地者也

欽定四庫全書

廣雅釋義

隋書

天象蓋笠地法覆盤

周髀

天青黑地黃赤天數之為笠也青黑為表丹黃為裏以

象天地之位

春為蒼天夏為昊天秋為旻天冬為上天

爾雅

臣覽太始天元冊文丹天之氣經於牛女戌分齡天之

氣經於心尾已分蒼天之氣經於危室柳鬼素天之氣

經於亢氐昂畢玄天之氣經於張翼胃所謂戊己分

者奎壁角軫則天地之門戶也

素問

九天一中天二儀天三從天四更天五晬天六廓天七

咸天八沈天九成天

經太元

中央曰鈞天其星角亢氐東方曰蒼天其星房心尾東

北曰旻天其星箕斗牽牛北方曰玄天其星須女虛危

營室西北方曰幽天其星東壁奎婁西方曰昊天其星

胃昂畢西南方曰朱天其星觜鶻參東井南方曰炎天

其星與鬼柳七星東南方曰陽天其星張翼軫

淮南子

欽定四庫全書

後漢書

天有十端天地陰陽水土人金木火凡十端天亦有喜

怒哀樂與人相副以類合之天人一也

春秋繁露

四時者天之吏也日月者天之使也星辰者天之期也

虹蜺彗星者天之忌也

淮南子

天者誠日其德也日誠出誠入南北有極故莫弗以為

法則天者信月其期也月信死信生終則有始故莫弗

以為政天者明星其稽也列星不亂各以序行故大小

莫弗以章天者因時其則也四時常相代而不干故莫

弗以為必然天者一法其司也前後左右古今自如故
莫弗以為常天誠信明因一不為衆人易德故莫能與

爭先鵬冠

保章氏官屬也馮相氏○保掌天文以志星辰日月之

變動天左轉日月五星右以觀天下之遷福之遷遇者

因可得辨其吉凶以星土辨九州之地所封星土星所

而觀焉封域各有分星角亢氐兖州房心豫州尾箕幽州

奎婁胃徐州昂畢冀州簡參益州以觀妖祥觀其字客

井鬼雍州柳星張三河翼軫則州星所犯屬

欽定四庫全書

何分野主以十有二歲之相觀天下之妖祥歲星在木

何妖祥在水則土為相在土則金為相在金則水為相以五雲

之物辨吉凶水旱雲有五色以二分二至日觀之青為

降豐荒之祲象降其後象於國使以十有二風察天地

之和十二風者風生於十二辰之位也命垂別之妖祥

車則異則離此天地之不和而凡此五物者以詔救

政訪叙事謀訪天時所宜次

賦侵官屬如掌十輝之法輝謂日之以觀妖祥辨吉凶

一曰侵日旁有陰邪二曰象陰氣附日凝三曰鵲黑氣

刺於四日監如冠珥也五日閭方畫也六曰曹陰氣蒙

也曹燕七日彌如虹彌天橫八曰叙片段成列穿九曰隤

於日旁也十日想○掌安宅叙降正歲則行

事歲終則弊其事上

天地渾沌如雞子盤古生其中萬八千歲天地開闢盤

古在其中一日九變神於天聖於地天日高一丈地日

厚一丈盤古日長一丈如此萬八千歲天數極高地數

極深盤古極長後乃有三皇數起於一立於三成於五

盛於七處於九故天去地九萬里三

百世之後地高天下不風不雨不寒不暑民復食土皆

知其母不知其父如此千歲之後而天可倚杆洵洵莫

知始終河國

問云諸天衣服云何答曰如經說六欲界六天中皆服

天衣飛行自在看之似衣光色具足不可以世間繒絲比之

妙不可名也

法林錄

切利天衣重六銖炎摩天衣重三銖兜率陀天衣重一銖半化樂天衣重二銖他化自在天衣重半銖

問曰諸天住處其義云何答曰如婆沙論說天雖有三十二住處但有二十八重以彼四空絕離形報故無別處遍在欲色二界之中但隨欲色二界衆生成就四空無色業者隨大乘說有色也其二十八重者謂須彌山根從地上升去地四千由旬繞山縱廣一萬由旬是堅手天於中止住復上升一倍繞山八千由旬是彼特華曼天於中止住復上一倍繞山四千由旬是彼常放逸天於中止住復上一倍繞山四千由旬是彼日月星宿天於中止住復上一倍繞山四千由旬是彼四天王天於中止住其中由有七億金是四天王城聚落悉在其中復上升四萬由旬至須彌山頂縱廣四萬由旬其中有喜見城縱廣一萬由旬面別有其千門三十三天於中止住即從此山升虛空四萬由旬有處如雲七寶所成其猶大地是炎摩天

欽定四庫全書

廣博物志

六

欽定四庫全書

廣博物志

七

於中止住復上一倍有地如雲七寶所成是兜率陀天復上一倍有地如雲七寶所成是化樂天復上一倍有地如雲七寶所成是化自在天如是乃至色界究竟天皆悉有地如雲七寶所成相去皆倍不煩具說依順正理論云三十三天迷盧山頂其頂四面各二十千若據周迴數成八萬有餘師說面各八十千與下際四邊其量無別山頂四角各有一峰其高廣量各有五百有藥叉神名金剛手於中止住守護諸天於山頂中有宮名善見面二十半周萬踰繕那金城量高一踰繕那半其地平坦亦真金所成俱用百一穠寶嚴飾地觸柔輭如妬羅綿於踐躡時隨足高下是天帝釋所都大城域有千門嚴飾壯麗門有五百青衣藥叉勇健端嚴長一踰繕那量各嚴鎧仗防守城門於其城中有殊勝殿種種妙寶具足莊嚴映蔽天宮故名殊勝面二百五十踰繕那周千踰繕那是謂城中諸可愛事城外四面四苑莊嚴是彼諸天共遊戲處一衆車苑謂此苑中隨天福力

種種車現二羅惡苑天欲戰時隨其所須甲仗等現三襟林苑諸天入中所玩皆同俱生勝喜四喜林院極妙欲塵襟類俱臻厯觀無厭如是四苑形皆異方方周千踰繕那量居各有一如意池池面各五十踰繕那量各功德水彌滿其中隨欲四苑花鳥香林莊飾業果差別難可思議天福城外西南角有大善法堂三十三天時集辯論制伏阿素洛等如法不如法事起世經云佛告比丘以何因緣諸天會處名善法堂三十三天集會坐時於中唯論微細善語深義稱量觀察皆是世間諸勝要法真寔正理是以諸天稱為善法堂又何因緣名波婁沙迦苑隋言暴溢三十三天王已入坐於賢及善賢二石之上唯論世間麤惡不善戲謔之語是故稱波婁沙迦又何因緣名襟色車苑三十三天王已坐於襟色善襟色二石之上唯論世間種種襟色相語言是故稱為襟色車苑又何因緣名襟亂苑三十三天常以月八日十四日十五日放其宮內一切采女入此園中令與三十

三天衆合雜嬉戲不生障隔恣其歡娛愛天五欲具足功德遊行愛樂是故諸天共稱此園為襟亂苑又何因緣彼天有園名為歡喜三十三天王入其中已坐於歡喜善歡喜二石之上心愛歡喜復愛極樂是故諸天共稱彼園以為歡喜又何因緣名波利夜恒邏拘毗陀羅樹下有天子住名曰末多日夜常以彼天種種五欲功德具足和合遊戲愛樂是故諸天遂稱彼樹以為波利夜恒邏拘毗陀羅樹

旬廣二百五十由旬周圍一千五百由旬其間四邊却敵寶樓東邊二十六所三面各二十五所凡一百一所一却敵方二由旬周圍八由旬其却敵上復有寶樓高半由旬以為觀望一却敵有七女天一一女天有七米女樓閣之內有萬七百房室一房室有七女女一一天女米女亦七其天女者並是帝釋正妃其外却敵及內諸房各四億九萬四千九百正妃三十四億六萬四千三百米女妃及米女合三十九萬億五萬九千

欽定四庫全書

佛地志

十

二百皮禪延多重閣最上當中央圓室廣三十由旬周圍九十由旬高四十五由旬是帝釋所住之處並是琉璃所成衆寶所填

問曰諸天僕乘云何答曰如經說云如欲界六天有僕乘僕謂僕從乘謂騎乘以六欲天皆有君臣妻妾尊卑上下卑必從尊下必隨上乘者以六欲天皆有禪類畜生諸天欲遊隨意乘之或乘象馬或乘孔雀或乘諸龍若依婆沙論說忉利天已下具有象馬鳬雁鷲鷲孔雀

龍等自炎摩天已上悉無象馬四足衆生惟有教放逸鳥寔語鳥赤水鳥等訶責諸天誠不放逸問曰若無象馬四足衆生彼天欲遊何所乘耶答曰即如論說還自釋言雖無象馬諸天欲出以福力故即有象馬隨心化起任意所乘乘竟化滅此教放逸鳥等遍在六欲天皆悉有之常與諸天為師訶責放逸不唯炎摩已上偏獨有也問曰此鳥既是畜生何得與天為師答曰如正法念經說此鳥本為人時於三天下教化之師諸天本是

欽定四庫全書

佛地志

十一

所化衆生由信變化故布施持戒今得生天其鳥本為師時名為利故破戒其心不寔今作天鳥然由教化徵善力故今得生天由本化師故與諸天為師若見諸天放逸即來訶責諸天見聞各生慚愧改不放逸

並上

三界之外次四民天所謂東華南離西靈北貢行仁者生東華宮行禮者生南離宮行義者生西靈宮行德者生北貢宮言三界之內大劫交時有四行者堪為種民王母迎之登上四天為下民種也

四見論

東方八天太皇黃曾天帝鬱繼王明太明王完天帝須

阿那田清明何童天帝元育齊景元胎平育天帝劉度

內鮮元明文舉天帝醜法輪上明七曜摩夷天帝恬憎

延虛無越衡天帝正定光太極濛翳天帝曲育九昌南

方八天赤明和陽天帝理禁上真元明恭華天帝空謹

醜音曜明宗飄天帝重光明竺落皇茹天帝摩夷妙辯

虛明堂曜天帝阿那婁生觀明端靖天帝鬱密羅千元

明恭慶天帝龍羅菩提太煥極瑤天帝宛黎無延西方

欽定四庫全書

廣博物志

三

八天元載孔昇天帝開真定光太安皇產天帝婆婁阿

貧顯定極風天帝招真童始皇孝芒天帝薩羅婁王太

皇翁重浮容天帝閔已狂無思江由天帝明梵光上標

阮樂大帝勃勃監無極曇誓天帝飄努穹隆北方八天

皓庭霄度天帝慧覺昏淵通元洞天帝梵行觀生太文

翰寵妙成天帝那育醜瑛太素秀樂禁上天帝龍羅覺

長太虛無上常容天帝總監鬼神太釋王隆騰勝天帝

耿耿行元龍變梵度天帝運上元元太極平育寶奕天

帝大擇法門度人經

劉向說天裂陽不足地動陰有餘晉書

懿王元年天再旦于鄭汲冢紀年

成帝建始三年七月夜有青黃白氣長十餘丈光明照

地或曰天裂或曰天劍古今注

王擣史學博聞永明中天忽黃色照地衆莫能解擣云

是榮光世祖大悅用為永陽太守齊書

沙門曇鸞雁門人家近五臺山神迹靈異鸞因患氣疾

欽定四庫全書

廣博物志

三

周行醫療行至汾水秦陵故墟入城東門仰望雲霓見

天門調開六欲階位上下重復歷然齊觀由斯疾愈求

覓仙方冀益長壽及居山所接對欣然便以仙方十卷

用酬來意神隱傳

星官之書自黃帝始至高陽氏乃使南正重司天文耀

鉤曰唐堯即位義和立渾儀後漢志

顓頊造渾儀黃帝為蓋天曆以天象蓋也劉氏歷正

近世有四術方天興於王充昕天起於姚信嘗天關於

虞曷皆臆斷浮說惟渾天證驗無疑

賀道養天記

古人言形者有三一日渾天二日蓋天三日宣夜

蓋天即周

也辭

渾天之作由來尚矣考之在天信而有徵舊說天地之

體狀如鷄卵天包地外猶殼之黃渾天言其形體渾渾

如也周天三百六十五度五百八十九分度之百四十

五東西南北展轉周規半覆地上半在地下故二十八

宿半見半隱以儀准之其見常一百八十三度有奇是

欽定四庫全書

廣博物志

以知其半覆地上半在地下也黃赤二道見與交錯一

間相去二十七度以兩儀准之俱三百六十五度有赤

道見者常百八十二度半強又南北考之天見者亦一

百八十二度半強是天之體圓如彈丸北極出地三十

六度是知南極入地亦三十六度而兩相去百八十半

強也

王蕃渾天說

虞喜曰宣明也夜幽也幽明之數其術魚之故云宣夜

書正

宣夜之書云惟漢祕書郎郝萌記先師相傳云天無質

仰而瞻之高遠無極眼眷精絕故蒼蒼然也譬之旁望

遠道之黃山而昏青俯察千仞之深谷而窺黑夫青非

真色而黑非有體也日月衆生自然浮生虛空之中其

行其止皆須氣焉是以七曜或逝或住或順或逆伏見

無常進退不同由乎無所根繫故各異也

書

漢太初中洛下黃閭鮮于妄人耿壽昌等造員儀以考

歷度後至和帝時賈逵繼作又加黃道至順帝時張衡

欽定四庫全書

廣博物志

又制渾象具內外規南北極黃赤道列二十四氣二十

八宿中外星官及日月五緯以漏水轉之於殿上室內

星中出沒與天相應因其闕戾又轉瑞輪營莢於階下

隨月盈盈依歷開落其後陸續亦造混象至吳時中常

侍廬江王蕃善數術傳劉洪乾象歷依其法而制渾儀

晉書○劉曜時南陽孔定製銅

儀太史令見崇科蘭嘗為鐵像

揚子雲好天文問之於黃閭作渾天老工曰我少能作

其事但隨尺寸法度殊不曉達其意我稍稍益愈到今

七十乃甫適知己又老且死矣今我兒子受學作之亦當復年如我乃曉知已

桓子新論

吳有葛衡字思真明達天官能為機巧作渾天使地居於中以機動之天轉而地止以上應晷度

晉楊秋

成帝咸康中會稽虞喜因宣夜之說作安天論以為天高窮於無窮地深測於不測天確乎在上有常安之形地魄焉在下有居靜之體常相覆冒方則俱方員則俱員無方員不同之義也其光曜布列各自運行猶江海欽定四庫全書

虞喜初志

卷一

之有潮汐萬品之有行藏也葛洪聞而譏之曰苟辰宿不麗於天天為無用便可言無何必復云有之而不動乎由此而談雅川可謂知言之選也虞喜族祖河間相肇又立穹天論云天形穹隆如雞子暮其際周接四海之表浮於元氣之上譬如覆盆以抑水而不沒者氣充其中故也日繞辰極沒西而還東不出入地中天之有極猶蓋之有斗也天北下於地三十度極之傾在地卯酉之北亦三十度人在卯酉之南十餘萬里故斗極之

下不為地中當對天地卯酉之位耳日行黃道繞極極

北去黃道百一十五度南去黃道六十七度二至之所

舍以為長短也吳太常姚信造昕天論云人為靈虫形

最似天今人頤前多臨胸而項不能覆背近取諸身故

知天之體南低入地北則偏高又冬至極低而天運近

南故日去人速而斗去人近北天氣至故冰寒也夏至

極起而天運近北而斗去人遠日去人近南天氣至故

蒸熱也極之立時日行地中淺故夜短天去地高故晝

欽定四庫全書

虞喜初志

卷一

長也極之低時日行地中深故夜長天去地下淺故晝

短也自虞喜虞肇姚信皆好奇徇異之說非極數談天

者也

晉書以下月

孔子曰日者天之明月者地之理月上屬為使婦從夫

放月紀

考經按神契

王曰余不知九星之光周公旦曰九星星辰日月四時

歲是謂九星九光

周書

日猶火月猶水火則施光水則含影月光生於日所照

魄生於日所蔽當日則光盈近日則明盡月

日者寸也紀刻而成晷也月者尺也紀度而成數也子范

計然

日一南而萬物生日一北而萬物成地坎而天嚴月過

而日湛五行迭王四時不俱壯太玄經

地將震而樞星直井無景則日陰食元首寬則望舒眺

侯王肅則月匿影後漢書

日晝行千里夜行千里然則日行舒緩與麒麟之步相

欽定四庫全書

廣博物志

似類也月行十三度十度二萬里三度六千里與晨見

之飛相似類也天行三百六十五度積凡九十三萬里

也行甚疾無以驗當與陶鈞之運督天之流相類似乎

衡論

孝經援神契曰天地至貴精不兩明注天精為日地精

為月

五月午日日月會於鶉首八月酉日日月會於壽星太衍

星分

常陽之山日月所入山海經

大荒之中有山名曰鞠陵日月所出

大荒中有山名曰明星日月所出

大荒中有方山上有青松名曰拒格之松日月所出入上並

日之臨照四十萬六千里月照四十五萬里說書

瀛州有金鑾之觀飾以衆環直上干雲中有青瑤瓦覆

以雲紈之素刻碧玉為倒龍之狀懸大精為日刻黑玉

為鳥以水晶為月青瑤為蟾兔於地下為闕板以測昏

欽定四庫全書

廣博物志

明不虧弦望時時有香風冷然而至張袖受之歷年不

歌拾遺

佛告諸比丘曰天宮殿縱廣正等五十由旬上下亦爾

以二種物成其宮殿正方如宅遙看似圓何等為二所

謂金及玻璃一面兩分皆是天金成清淨光明一面一

分是天玻璃成清淨光明有五種風吹轉而行何等為

五一名為持二名為住三名隨順轉四名波羅訶迦五

名將行彼日天宮之前別有無量諸天而行時各常受

樂皆名宰行

阿含經云日天宮牆地薄如華葩為五風所持地

又日宮殿中有

閻浮檀金以為妙輦舉高十六由旬方八由旬莊嚴殊

勝天子及眷屬在彼輦中以天五欲具足受樂日天子

身壽五百歲子孫相承皆於彼治宮殿住持滿足一劫

日天身先出照於輦輦有光明復照宮殿光明相接出

已照曜遍四大州及諸世間日天身輦及宮殿有一千

光明五百光明傍行而照五百光明向下而照日天宮

殿常行不息六月北行於一日中漸移北向六拘盧舍

欽定四庫全書

廣博地志

五

依雜寶經有五里

未曾暫時離於日道六月南行亦一日中漸

移南向六拘盧舍不差日道日天宮殿六月行時月天

宮殿十五日中亦行爾許佛告比丘月天子宮殿縱廣

正等四十九由旬四面垣牆七寶所成月天宮殿純以

天銀天青琉璃兩相間錯二分天銀清淨無垢光甚明

曜餘之一分天青琉璃亦其清淨表裏映徹光明遠照

亦為五風攝持而行

五風如箭

月天宮依空而行亦有無量

諸天宮殿引前而行恒受快樂於此月殿亦有五輦青

琉璃成舉高十六由旬廣八由旬天子身與諸天女在

此輦中以天種種五欲功德和合愛樂隨意而行彼月

天子身壽五百歲子孫相承皆於彼治然其宮殿住於

一劫彼月天子身分光明照彼青輦其輦光明照月宮

殿宮殿光照四大州彼月天子有五百光向下而照有

五百光傍行而照是故月天名千光明亦復名為舍冷

光明又何因緣月天宮殿漸漸現耶佛答此月三因緣

一背相轉二青身諸天形服瓔珞一切悉青常半月中

欽定四庫全書

廣博地志

五

隱覆其宮以隱覆故月漸而現三從日天宮殿有六十

光明一時流出障彼月輪以是因緣漸漸而現復何因緣

是月宮殿圓淨滿足亦三因緣故令如是一爾時月天

宮殿面相轉出二青色諸天一切皆青當半月中隱於

十五日時形最圓滿光明熾盛譬如多油中然火熾

炬諸小燈明皆悉隱翳如是月宮十五日時能覆諸光

三復次日宮殿六十光明一時流出障月輪者此月宮

殿十五日時圓滿具足於一切處皆離翳障是時日光

不能隱覆復何因緣月天宮殿於黑月分第十五日一切不現此月宮殿於黑月分十五日最近日宮由彼日光所覆翳故一切不現復何因緣名為月耶此月宮殿於黑月分一日已去乃至月盡光明威德漸漸減少以此因緣名之為月西方以月為黑白月初一日至十五日名為白月十六日已後至月盡名為黑月此方通攝日名為白月十六日已後至月盡名為黑月合為一月也復何因緣月宮殿中有諸影現此大州中有閭浮樹因此樹故名為閭浮州其樹高大影現月輪起世經

欽定四庫全書

廣博物志

三

由大海中有魚鼈等影現月輪故其內有黑相現瑜伽論

陽精為日陰精為月分日月之精為星辰綱者連星也紀者綴星也星形正圓如丸不應似貫珠穿度又不容作鈴鼻相綴理宜如破箭筈還相合以成體天地初成無子舉翅飛上乃在華蓋之下左有北辰右有北斗星辰稍脩東南西北稍正星辰共以真道要養萬二千物下及六畜糞土草木皆被服其祕道要德而生長焉玄門寶海

經

日一名鬱儀月一名結璘太洞經

日中赤帝上皇真君諱將軍梁字高靈月中黃氣上皇神母諱曜道支字玉蒼條日中青帝諱圓常無字昭龍輪衣青玉錦帔蒼華飛羽翬建翠芙蓉晨冠日中赤帝諱丹虛峙字綠虹映衣絳玉錦帔丹華飛羽翬建丹符靈明冠日中白帝諱浩鬱將字迴金霞衣素玉錦帔白羽飛華翬建浩靈芙蓉冠日中黑帝諱澄增停字玄綠炎衣玄玉錦帔黑羽飛華翬建玄芙蓉冠日中黃帝諱壽遠阜字颺暉像衣黃玉錦帔黃羽飛華翬建芙蓉紫冠月中夫人蒐精內神名暖蕭臺標月中青帝夫人諱隱娥珠字芬艷嬰衣青華瓊錦帔翠龍鳳文飛羽翬月中赤帝夫人諱迺寒無字婉延靈衣丹華玉錦帔朱華鳳落飛羽翬月中白帝夫人諱靈素蘭字鬱連華衣白珠四出龍錦帔素羽鸞章飛華翬月中黑帝夫人諱結翅字淳厲金衣元琅九道雲錦帔黑羽龍文飛華翬月中黃帝夫人諱青營襟字吳定容衣黃雲山文錦帔綠